


中 | 华 | 国 | 学 | 文 | 库




# 史 记 四

〔汉〕司马迁 撰

中 华 书 局




中华书局百年文选



# 史记

中华书局



中华书局

中 | 华 | 国 | 学 | 文 | 库




# 史 记 四

〔汉〕司马迁 撰

〔宋〕裴 駉 集解

〔唐〕司马贞 索隐

〔唐〕张守节 正义



中 华 书 局

# 史记卷八十四

## 屈原贾生列传第二十四

屈原者，名平，楚之同姓也。<sup>①</sup>为楚怀王左徒。<sup>②</sup>博闻强志，明于治乱，娴<sup>③</sup>于辞令。入则与王图议国事，以出号令；出则接遇宾客，应对诸侯。王甚任之。

①【正义】屈、景、昭皆楚之族。王逸云：“楚王始都是，生子瑕，受屈为卿，因以为氏。”

②【正义】盖今(在)左右拾遗之类。

③【集解】史记音隐曰：“音闲。”

上官大夫与之同列，争宠而心害其能。怀王使屈原造为宪令，屈平属草稿<sup>①</sup>未定。上官大夫见而欲夺之，<sup>②</sup>屈平不与，因谗之曰：“王使屈平为令，众莫不知，每一令出，平伐其功，(曰)以为‘非我莫能为’也。”王怒而疏屈平。

①【索隐】属音烛。草稿谓创制宪令之本也。汉书作“草具”，崔浩谓发

始造端也。

②【正义】王逸云上官靳尚。

屈平疾王听之不聪也，谗谄之蔽明也，邪曲之害公也，方正之不容也，故忧愁幽思而作离骚。<sup>①</sup>离骚者，犹离忧也。夫天者，人之始也；父母者，人之本也。人穷则反本，故劳苦倦极，未尝不呼天也；疾痛惨怛，<sup>②</sup>未尝不呼父母也。屈平正道直行，<sup>③</sup>竭忠尽智以事其君，谗人间之，可谓穷矣。信而见疑，忠而被谤，能无怨乎？屈平之作离骚，盖自怨生也。国风好色而不淫，小雅怨诽而不乱。<sup>④</sup>若离骚者，可谓兼之矣。上称帝喾，下道齐桓，中述汤武，以刺世事。明道德之广崇，治乱之条贯，靡不毕见。其文约，其辞微，其志絮，其行廉，其称文小而其指极大，举类迕而见义远。其志絮，故其称物芳。其行廉，故死而不容。自疏濯淖<sup>⑤</sup>污泥<sup>⑥</sup>之中，蝉蜕于浊秽，<sup>⑦</sup>以浮游尘埃之外，不获世之滋垢，皜然<sup>⑧</sup>泥而不滓者也。<sup>⑨</sup>推此志也，虽与日月争光可也。<sup>⑩</sup>

①【索隐】惶，亦作“骚”。按：楚词“惶”作“骚”，音素刀反。应劭云“离，遭也；骚，忧也”。又离骚序云“离，别也；骚，愁也”。

②【正义】上七感反，下丁达反。惨，毒也。怛，痛也。

③【正义】寒孟反。

④【正义】诽，方畏反。

⑤【索隐】上音浊，下音闹。

⑥【索隐】上音乌故反，下音奴计反。

⑦【正义】蜕音税，去皮也，又他卧反。

⑧【集解】徐广曰：“皜，疏净之貌。”【索隐】皜音自若反。徐广云“疏净之貌”。

⑨【索隐】泥亦音涅，滓亦音淄，又并如字。

⑩【正义】言屈原之仕浊世，去其污垢，在尘埃之外。推此志意，虽与日月争其光明，斯亦可矣。

屈原既绌，其后秦欲伐齐，齐与楚从亲，<sup>①</sup>惠王患之，乃令张仪详去秦，厚币委质事楚，曰：“秦甚憎齐，齐与楚从亲，楚诚能绝齐，秦愿献商、於之地六百里。”楚怀王贪而信张仪，遂绝齐，使使如秦受地。张仪诈之曰：“仪与王约六里，不闻六百里。”楚使怒去，归告怀王。怀王怒，大兴师伐秦。秦发兵击之，大破楚师于丹、浙，<sup>②</sup>斩首八万，虏楚将屈匄，<sup>③</sup>遂取楚之汉中地。<sup>④</sup>怀王乃悉发国中兵以深入击秦，战于蓝田。魏闻之，袭楚至邓。<sup>⑤</sup>楚兵惧，自秦归。而齐竟怒不救楚，楚大困。

①【正义】上足松反。

②【索隐】二水名。谓于丹水之北，浙水之南。丹水、浙水皆县名，在弘农，所谓丹阳、浙。【正义】丹阳，今枝江故城。

③【索隐】屈，姓。匄，名，音盖也。

④【索隐】徐广曰：“楚怀王十六年，张仪来相；十七年，秦败屈匄。”

【正义】梁州。

⑤【索隐】按：此邓在汉水之北，故邓侯城也。

明年，秦割汉中地与楚以和。楚王曰：“不愿得地，愿得张仪而甘心焉。”张仪闻，乃曰：“以一仪而当汉中地，臣请往如楚。”如楚，又因厚币用事者臣靳尚，而设诡辩于怀王之宠姬郑袖。怀王竟听郑袖，复释去张仪。是时屈原既疏，不复在位，使于齐，顾反，谏怀王曰：“何不杀张仪？”怀王悔，追张仪不及。<sup>①</sup>

①【索隐】按：张仪传无此语也。

其后诸侯共击楚，大破之，杀其将唐昧。<sup>①</sup>

①【集解】徐广曰：“二十八年败唐昧也。”【正义】昧，莫葛反。

时秦昭王与楚婚，欲与怀王会。怀王欲行，屈平曰：“秦虎狼之国，不可信，不如毋行。”<sup>①</sup>怀王稚子子兰劝王行：“奈何绝秦欢！”怀王卒行。入武关，秦伏兵绝其后，因留怀王，<sup>②</sup>以求割地。怀王怒，不听。亡走赵，赵不内。复之秦，竟死于秦而归葬。

①【索隐】按：楚世家昭睢有此言，盖二人同谏王，故彼此各随录之也。

②【集解】徐广曰：“三十年入秦。”

长子顷襄王立，<sup>①</sup>以其弟子兰为令尹。楚人既咎子兰以劝怀王入秦而不反也。

①【索隐】名横。

屈平既嫉之，虽放流，眷顾楚国，系心怀王，不忘欲反，冀幸君之一悟，俗之一改也。其存君兴国而欲反覆之，一篇之中三致志焉。然终无可奈何，故不可以反，卒以此见怀王之终不悟也。人君无愚智贤不肖，<sup>①</sup>莫不欲求忠以自为，举贤以自佐，然亡国破家相随属，而圣君治国累世而不见者，其所谓忠者不忠，而所谓贤者不贤也。怀王以不知忠臣之分，故内惑于郑袖，外欺于张仪，疏屈平而信上官大夫、令尹子兰。兵挫地削，亡其六郡，身客死于秦，为天下笑。此不知人之祸也。易曰：“井泄不食，<sup>②</sup>为我心恻，<sup>③</sup>可以汲。<sup>④</sup>王明，并受其福。”<sup>⑤</sup>王之不明，岂足福哉！<sup>⑥</sup>

①【索隐】此已下太史公伤怀王之不任贤，信谗而不能反国之论也。

②【集解】向秀曰：“泄者，浚治去泥浊也。”【索隐】向秀字子期，晋人，注易。

③【集解】张璠曰：“可为恻然，伤道未行也。”【索隐】张璠亦晋人，注易也。

④【索隐】按：京房易章句言“我道可汲而用也”。

⑤【集解】易象曰：“求王明受福也。”【索隐】按：京房章句曰“上有明

王，汲我道而用之，天下并受其福，故曰‘王明并受其福’也。”

⑥【集解】徐广曰：“一云‘不足福’。”【正义】言楚王不明忠臣，岂足受福，故屈原怀沙自沈。

令尹子兰闻之大怒，卒使上官大夫短屈原于顷襄王，顷襄王怒而迁之。<sup>①</sup>

①【集解】离骚序曰：“迁于江南。”

屈原至于江滨，被发行吟泽畔。颜色憔悴，形容枯槁。渔父<sup>①</sup>见而问之曰：“子非三闾大夫欤？<sup>②</sup>何故而至此？”屈原曰：“举世混浊而我独清，众人皆醉而我独醒，是以见放。”渔父曰：“夫圣人者，不凝滞于物而能与世推移。举世混浊，何不随其流<sup>③</sup>而扬其波？众人皆醉，何不哺其糟而啜其醑？何故怀瑾握瑜<sup>④</sup>而自令见放为？”屈原曰：“吾闻之，新沐者必弹冠，新浴者必振衣，人又谁能以身之察察，<sup>⑤</sup>受物之汶汶者乎！<sup>⑥</sup>宁赴常流<sup>⑦</sup>而葬乎江鱼腹中耳，又安能以皓皓之白而蒙世俗之温蠖乎！”<sup>⑧</sup>

①【索隐】音甫。

②【集解】离骚序曰：“三闾之职，掌王族三姓，曰昭、屈、景，序其谱属，率其贤良，以厉国士。”

③【索隐】按：楚词作“滑其泥”。

④【索隐】按：楚词此“怀瑾握瑜”作“深思高举”也。

⑤【集解】王逸曰：“己静絮。”

⑥【集解】王逸曰：“蒙垢污。”【索隐】汶汶者，音闵。汶汶犹昏暗也。

⑦【索隐】常流犹长流也。

⑧【索隐】蠖音乌廓反。温蠖犹愠愤。楚词作“蒙世之尘埃哉”。

乃作怀沙之赋。<sup>①</sup>其辞曰：

①【索隐】按：楚词九怀曰“怀沙砾以自沈”，此其义也。



陶陶孟夏兮，草木莽莽。<sup>①</sup>伤怀永哀兮，汨徂南土。<sup>②</sup>眴兮窈窈，<sup>③</sup>孔静幽墨。<sup>④</sup>冤结纡轸兮，离愍之长鞠；<sup>⑤</sup>抚情效志兮，俛咄以自抑。

①【集解】王逸曰：“陶陶，盛阳貌。莽莽，盛茂貌。”【索隐】音姥。

【正义】莫古反。

②【集解】王逸曰：“汨，行貌。”【索隐】王师叔曰：“汨，行貌也。”方言曰：“谓疾行也。”

③【集解】徐广曰：“眴，眩也。”【索隐】眴音舜。徐氏云：“眴音眩。窈音乌乌反。”

④【集解】王逸曰：“孔，甚也。墨，无声也。”【正义】孔，甚。墨，无声。言江南山高泽深，视之眴；野甚清静，叹无人声。

⑤【集解】王逸曰：“鞠，穷。纡，屈也。轸，痛也。愍，病也。”【索隐】离潘。潘，病。鞠，穷。

剡方以为圜兮，常度未替，<sup>①</sup>易初本由兮，君子所鄙。<sup>②</sup>章画职墨兮，前度未改；<sup>③</sup>内直质重兮，大人所盛。<sup>④</sup>巧匠不斲兮，孰察其揆正？玄文幽处兮，矇谓之<sup>⑤</sup>不章；<sup>⑥</sup>离娄微睇兮，瞽以为<sup>⑦</sup>无明。<sup>⑧</sup>变白而为黑兮，倒上以为下。<sup>⑨</sup>凤皇在笱兮，<sup>⑩</sup>鸡雉翔舞。<sup>⑪</sup>同糅玉石兮，一概而相量。<sup>⑫</sup>夫党人之鄙妒兮，羌不知吾所臧。<sup>⑬</sup>

①【集解】王逸曰：“剡，削；度，法；替，废也。言人剡削方木，欲以为圆，其常法度尚未废也。”【索隐】剡音五官反。谓刻削方木以为圆，其常法度尚未废。

②【集解】王逸曰：“由，道也。”【正义】本，常也。鄙，耻也。言人遭世不道，变易初行，违离光道，君子所鄙。

③【集解】王逸曰：“章，明也。度，法也。言工明于所画，念其绳墨，修前人之法，不易其道，则曲木直而恶木好。”【索隐】章，明也。画，计画

也。楚词“职”作“志”。志，念也。徐如注所解。

④【集解】王逸曰：“言人质性敦厚，心志正直，行无过失，则大人君子所盛美也。”

⑤【集解】王逸曰：“玄，黑也。矇，盲者也。诗云‘矇矇奏公’。章，明也。”

⑥【集解】王逸曰：“离娄，古明视者也。瞽，盲也。”【正义】睇，田帝反，眇也。

⑦【索隐】音户。

⑧【集解】徐广曰：“笄，一作‘郊’。”鞞案：王逸曰“笄，笄落也”。

【索隐】笄音奴，又女加反。徐云一作“郊”。按：笄落谓藤萝之相笄络。【正义】应瑞图云：“黄帝问天老曰：‘凤鸟何如？’天老曰‘鸿前而麟后，蛇颈而鱼尾，龙文而龟身，燕颌而鸡喙，首戴德，颈揭义，背负仁，心入信，翼俟顺，足履正，尾系武，小音金，大音鼓，延颈奋翼，五色备举。’”

⑨【索隐】楚词“雉”作“鷩”。

⑩【集解】王逸曰：“忠佞不异。”

⑪【集解】王逸曰：“莫昭我之善意。”【索隐】按：王师叔云“羌，楚人语辞”。言卿何为也。【正义】羌音彊。

任重载盛兮，陷滞而不济；<sup>①</sup>怀瑾握瑜兮，穷不得余所示。<sup>②</sup>邑犬群吠兮，吠所怪也；<sup>③</sup>诽骏疑桀兮，固庸态也。<sup>④</sup>文质疏内兮，众不知吾之异采；<sup>⑤</sup>材朴委积兮，莫知余之所有。重仁袭义兮，谨厚以为丰；<sup>⑥</sup>重华不可悟兮，<sup>⑦</sup>孰知余之从容！古固有不并兮，岂知其故也？<sup>⑧</sup>汤禹久远兮，邈不可慕也。惩违改忿兮，抑心而自强；离潜而不迁兮，愿志之有象。<sup>⑨</sup>进路北次兮，<sup>⑩</sup>日昧昧其将暮；含忧虞哀兮，<sup>⑪</sup>限之以大故。<sup>⑫</sup>

①【集解】王逸曰：“言己才力盛壮，可任用重载，而身陷没沈滞，不得成

其本志也。”

②【集解】王逸曰：“示，语也。”

③【集解】王逸曰：“千人为俊，一国高为桀也。庸，厮贱之人也。”

【索隐】按：尹文子云“千人曰俊，万人曰桀”。今乃排俊疑杰，固是庸人之态也。

④【集解】徐广曰：“异，一作‘奥’。”骀案：王逸曰“采，文采也”。

⑤【集解】王逸曰：“重，累也。袭，及也。”

⑥【集解】王逸曰：“梧，逢也。”【索隐】楚词“梧”作“暹”，并吴故反。

王师叔云“梧，逢也”。

⑦【索隐】楚词作“莫知其何故”。

⑧【集解】王逸曰：“象，法也。”

⑨【正义】北次将就。

⑩【索隐】楚词作“舒忧娱哀”。娱音虞。娱者，乐也。

⑪【集解】王逸曰：“娱，乐也。大故谓死亡也。”

乱曰：①浩浩沅、湘兮，②分流汨兮。③修路幽拂兮，④道远忽兮。曾唵恒悲兮，永叹慨兮。世既莫吾知兮，人心不可谓兮。⑤怀情抱质兮，独无匹兮。伯乐既歿兮，骥将焉程兮？⑥人生稟命兮，各有所错兮。⑦定心广志，余何畏惧兮？⑧曾伤爰哀，永叹喟兮。⑨世溷不吾知，心不可谓兮。知死不可让兮，愿勿爰兮。明以告君子兮，吾将以为类兮。⑩

2190

①【索隐】王师叔曰：“乱者，理也。所以发理辞指，撮总其要，而重理前意也。”

②【索隐】二水名。按：地理志湘水出零陵阳海山，北入江。沅即湘之后流也。

【正义】说文云：“沅水出群柯，东北流入江。湘水出零陵县阳海山，北入江。”按：二水皆经岳州而入大江也。

③【集解】王逸曰：“汨，流也。”

④【索隐】楚词作“幽蔽”也。

⑤【集解】王逸曰：“谓犹说也。”【索隐】楚词无“曾唵”已下二十一字。

⑥【集解】王逸曰：“程，量也。”

⑦【集解】王逸曰：“错，安也。”

⑧【索隐】楚词“徐”并作“余”。

⑨【集解】王逸曰：“喟，息也。”

⑩【集解】王逸曰：“类，法也。”【正义】按：类，例也。以为忠臣不事乱君之例。

于是怀石遂自投〔沈〕汨罗以死。<sup>①</sup>

①【集解】应劭曰：“汨水在罗，故曰汨罗也。”【索隐】汨水在罗，故曰汨罗。地理志长沙有罗县，罗子之所徙。荆州记“罗县北带汨水”。汨音覓也。【正义】故罗县城在岳州湘阴县东北六十里。春秋时罗子国，秦置长沙郡而为县也。按：县北有汨水及屈原庙。续齐谐记云：“屈原以五月五日投汨罗而死，楚人哀之，每于此日以竹筒贮米投水祭之。汉建武中，长沙区回白日忽见一人，自称三闾大夫。谓回曰：‘闻君常见祭，甚善。但常年所遗，并为蛟龙所窃，今若有惠，可以练树叶塞上，以五色丝转缚之，此物蛟龙所惮。’回依其言。世人五月五日作粽，并带五色丝及练叶，皆汨罗之遗风。”

屈原既死之后，楚有宋玉、唐勒、景差<sup>①</sup>之徒者，皆好辞而以赋见称；然皆祖屈原之从容辞令，终莫敢直谏。其后楚日以削，数十年竟为秦所灭。

①【集解】徐广曰：“或作‘庆’。”【索隐】按：杨子法言及汉书古今人表皆作“景瑤”，今作“差”是字省耳。又按：徐、裴、邹三家皆无音，是读如字也。

自屈原沈汨罗后百有馀年，汉有贾生，为长沙王太傅，过湘水，投书以吊屈原。

贾生名谊，<sup>①</sup>雒阳人也。年十八，以能诵诗属书闻于郡中。吴廷尉为河南守，闻其秀才，<sup>②</sup>召置门下，甚幸爱。孝文皇帝初立，闻河南守吴公<sup>③</sup>治平为天下第一，故与李斯同邑而常学事焉，乃征为廷尉。廷尉乃言贾生年少，颇通诸子百家之书。文帝召以为博士。

①【索隐】名义。汉书并作“谊”也。

②【正义】颜云：“秀，美也。”应劭云：“避光武讳改‘茂才’也。”

③【索隐】按：吴，姓也。史失名，故称公。

是时贾生年二十馀，最为少。每诏令议下，诸老先生不能言，贾生尽为之对，人人各如其意所欲出。诸生于是乃以为能不及也。孝文帝说之，超迁，一岁中至太中大夫。

贾生以为汉兴至孝文二十馀年，天下和洽，而固当改正朔，易服色，法制度，定官名，兴礼乐，乃悉草具其事仪法，色尚黄，数用五，<sup>①</sup>为官名，悉更秦之法。孝文帝初即位，谦让未遑也。诸律令所更定，及列侯悉就国，其说皆自贾生发之。于是天子议以为贾生任公卿之位。绛、灌、东阳侯、冯敬之属尽害之，<sup>②</sup>乃短贾生曰：“雒阳之人，年少初学，专欲擅权，纷乱诸事。”于是天子后亦疏之，不用其议，乃以贾生为长沙王太傅。

①【正义】汉文帝时黄龙见咸纪，故改为土也。

②【正义】绛、灌，周勃、灌婴也。东阳侯，张相如。冯敬时为御史大夫。

贾生既辞往行，闻长沙卑湿，自以寿不得长，又以適去，<sup>①</sup>意不自得。及渡湘水，为赋以吊屈原。其辞曰：

①【集解】徐广曰：“適，竹革反。”韦昭曰：“適，諫也。”【索隐】韦昭云：“適，諫也。”字林云：“丈厄反。”

共承嘉惠兮，<sup>①</sup>俟罪长沙。侧闻屈原兮，自沈汨罗。造托<sup>②</sup>湘流兮，敬吊先生。遭世罔极兮，乃陨厥身。呜呼哀哉，逢时不祥！鸾凤伏窜兮，<sup>③</sup>鸱枭翱翔。闾茸尊显兮，<sup>④</sup>谗谀得志；贤圣逆曳兮，方正倒植。<sup>⑤</sup>世谓伯夷贪兮，谓盗跖廉；<sup>⑥</sup>莫邪为顿兮，<sup>⑦</sup>铅刀为铦。<sup>⑧</sup>于嗟嚶兮，生之无故！<sup>⑨</sup>斡弃周鼎兮，子康瓠，<sup>⑩</sup>腾驾疲牛兮，蹇蹇，<sup>⑪</sup>骥垂两耳兮，服盐车。<sup>⑫</sup>章甫荐屨兮，<sup>⑬</sup>渐不可久；<sup>⑭</sup>嗟苦先生兮，独离此咎！<sup>⑮</sup>

①【集解】张晏曰：“恭，敬也。”

②【索隐】造音七到反。

③【索隐】窜音如字，又七外反。

④【索隐】闾音天腊反。茸音而隄反。案：应劭、胡广云“闾茸不才之人，无六翮翱翔之用而反尊贵”。字林曰“闾茸，不肖之人”。

⑤【索隐】胡广云：“逆曳，不得顺随道而行也。倒植，贤不肖颠倒易位也。”

⑥【索隐】案：汉书作“随、夷，涸兮跖、蹇廉”，一句皆兼两人。随，卞随也。夷，伯夷也。跖，盗跖也。蹇，庄蹇也。

⑦【集解】应劭曰：“莫邪，吴大夫也，作宝剑，因以冠名。”瓚曰：“许慎曰莫邪，大戟也。”【索隐】应劭曰：“莫邪，吴大夫也，作宝剑，因名焉。”吴越春秋曰：“吴王使干将造剑二枚，一曰干将，二曰莫邪。”莫邪、干将，剑名也。顿，钝也。

2193

⑧【集解】徐广曰：“思廉反。”骹案：汉书音义曰“铦谓利”。【索隐】铅者，锡也。铦，利也，音纤。言其暗惑也。

⑨【集解】应劭曰：“嚶嚶，不自得意。”瓚曰：“生谓屈原也。”

⑩【集解】如淳曰：“斡，转也。尔雅曰‘康瓠谓之甄’，大瓠也。”应劭曰：

“康，容也。鞞音莞。莞，转也。一曰康，空也。”【索隐】鞞，转也，乌活反。尔雅云“康瓠谓之鞞”。鞞音丘列反。李巡云“康谓大瓠也”。康，空也。晋灼云“鞞，古‘管’字也”。

⑪【正义】鞞音皮。

⑫【索隐】战国策曰：“夫骥服盐车上太山中阪，迁延负辕不能上，伯乐下车哭之也。”

⑬【集解】应劭曰：“章甫，殷冠也。”

⑭【集解】刘向别录曰：“因以自谕自恨也。”

⑮【集解】应劭曰：“嗟，咨嗟。苦，劳苦。言屈原遇此难也。”

讯曰：①已矣，国其莫我知，独堙郁兮②其谁语？凤飘飘其高逝③兮，夫固自缩而远去。④袭九渊之神龙兮，⑤沕⑥深潜以自珍。⑦弥融爚⑧以隐处兮，⑨夫岂从螾与蛭螾？⑩所贵圣人之神德兮，远浊世而自藏。使骐驎可得系羈兮，岂云异夫犬羊！⑪般纷纷其离此尤兮，⑫亦夫子之辜也！⑬瞻九州⑭而相君兮，何必怀此都也？凤皇翔于千仞之上兮，览德辉而下之；⑮见细德之险（微）〔征〕兮，摇增翮⑯逝而去之。⑰彼寻常之污渌兮，⑱岂能容吞舟之鱼！横江湖之鱣鰪兮，⑲固将制于蚁蝼。⑳

①【集解】李奇曰：“讯，告也。”张晏曰：“讯，离骚下章乱辞也。”【索隐】诂曰。李奇曰：“诂，告也，音信。”张晏曰：“讯，离骚下章诂乱也。”刘伯庄音素对反。讯犹宣也，重宣其意。周成、师古音碎也。

②【索隐】汉书作“壹郁”，意亦通。

③【索隐】音逝也。

④【索隐】缩，汉书作“引”也。

⑤【集解】邓展曰：“袭，重也。”或曰袭，覆也，犹言察也。【索隐】袭，复也。庄子曰“千金之珠必在九重之渊，而骊龙颌下”，故云“九渊之神龙”也。

- ⑥【集解】徐广曰：“亡笔反。”
- ⑦【集解】徐广曰：“汤，潜藏也。”【索隐】张晏曰：“汤，潜藏也。音密，又音勿也。”
- ⑧【集解】徐广曰：“一云‘佞桀獭’。”
- ⑨【集解】徐广曰：“一本云‘弥竭燿以隐处’也。”【索隐】汉书作“佞桀獭”，徐广又一本作“弥竭燿以隐处”，盖总三本不同也。案：苏林云“佞音面”。应劭云“佞，背也。桀獭，水虫，害鱼者。以言背恶从善也”。郭璞注尔雅云“似鳧，江东谓之鱼鷁”。【正义】顾野王云：“弥，远也。融，明也。燿，光也。”没深藏以自珍，弥远明光以隐处也。
- ⑩【集解】汉书“螿”字作“蝦”。韦昭曰：“蝦，蝦蟆也。螿，水虫。螿，丘螿也。”
- 【索隐】螿音蚁。汉书作蝦。言佞然绝于桀獭，况从蝦与螿螿也。螿音质。螿音引也。【正义】言宁投水合神龙，岂陆葬从蚁与螿蚓。
- ⑪【正义】使骐驎可得系缚羈絆，则与犬羊无异。责屈原不去浊世以藏隐。骐文如菴也。驎，千里马。
- ⑫【集解】苏林曰：“般音盘。”孟康曰：“般音班。”或曰盘桓不去，纷纷构谗意也。【索隐】般音班，又音盘，槃桓也。纷纷犹藉藉，构谗之意也。尤谓怨咎也。
- ⑬【索隐】汉书“辜”作“故”。夫子谓屈原也。李奇曰：“亦夫子不如麟凤翔逝之故，罹此咎也。”
- ⑭【索隐】瞞，丑知反，谓历观也。汉书作“历九州”。
- ⑮【索隐】案：言凤皇翔，见人君有德乃下。故礼曰“德辉动乎内”是也。
- ⑯【集解】徐广曰：“一云‘遥增击’也。”
- ⑰【正义】摇，动也。增，加也。言见细德之人，又有险难微起，则合加动羽翮，远逝而去之。
- ⑱【集解】应劭曰：“八尺曰寻，倍寻曰常。”【索隐】音乌独二音。污，潢污；渎，小渠也。



①9【集解】如淳曰：“大鱼也。”瓚曰：“鱣鱼无鳞，口近腹下。”

②0【索隐】庄子云庚桑楚谓弟子曰“吞舟之鱼，荡而失水，则蝼蚁能制之”。战国策齐人说靖郭君亦同。案：以此喻小国暗主不容忠臣，而为谗贼小臣之所见害。

贾生为长沙王太傅①三年，有鸚飞入贾生舍，止于坐隅。楚人命鸚曰“服”。②贾生既以適居长沙，长沙卑湿，自以为寿不得长，伤悼之，乃为赋以自广。③其辞曰：

①【索隐】为长沙傅。案：谊为傅是吴芮之玄孙产袭长沙王之时也，非景帝之子长沙王发也。荆州记“长沙城西北隅有贾谊宅及谊石床在矣”。【正义】汉文帝年表云吴芮之玄孙差袭长沙王也。傅为长沙靖王差之二年也。括地志云：“吴芮故城在潭州长沙县东南三百里。贾谊宅在县南三十步。湘水记云‘谊宅中有一井，谊所穿，极小而深，上敛下大，其状如壶。傍有一局脚石床，容一人坐，形流古制，相承云谊所坐’。”

②【集解】晋灼曰：“异物志有山鸚，体有文色，土俗因形名之曰服。不能远飞，行不出域。”【索隐】案：邓展云“似鹤而大”。晋灼云“巴蜀异物志有鸟[如]小鸡，体有文色，土俗因形名之曰服。不能远飞，行不出域”。荆州记云“巫县有鸟如雌鸡，其名为鸚，楚人谓之服”。吴录云“服，黑色，鸣自呼”。

③【索隐】案：姚氏云“广犹宽也”。

单阙之岁兮，①四月孟夏，庚子日施兮，服集予舍，②止于坐隅，貌甚闲暇。异物来集兮，私怪其故，发书占之兮，筮言其度。③曰“野鸟入处兮，主人将去”。请问于服兮：④“予去何之？吉乎告我，凶言其菑。⑤淹数之度兮，语予其期。”⑥服乃叹息，举首奋翼，口不能言，请对以意。⑦